



CAPITIS PRIMI

Argumentum, partitio, analysis.

Premissa epigraphe & salutatione apostolica, Corinthiis de gratia Dei & donis eximiis gratulatur, ac perseverantiam precatur. Tum dissidiis eorum commemoratis ad concordiam eos gravissimis argumentis hortatur, & simplicitatem evangelii humane sapientie antefrendam esse docet. Partes capituli sunt tres.

PRIMA. Proœmium continens τὸ πρῶτον ἐπιστολῆς ἰπογραφή, ἰπογραφή & ἀπαρομὸν cum gratulatione, qua benevolentiam captat, collaudatione ipsorum, & voto suo: usq; ad vers. 10.

SECUNDA. Propositio dehortatoria, ne foveant inter se schismata: quæ unde habeat, & qualia sint exponit, v. 10. 11. 12.

TERTIA. Confirmatio: cujus argumenta pleraque sunt ab absurdo. I. quia schismata fovere, sit Christum lacerare in partes. II. quia nullus doctorum pro eis sit crucifixus. III. quia in nullius doctoris nomine sint baptizati, v. 13. IV. quia nullam eis præbuerit occasionem nomine suo abutendi ad schismata: neq; baptizando: quia paucos baptizaverit, ver. 14. 15. 16. Neque predicando: quia evangelizaverit absque ostentatione, v. 17. Cujus rei causas exponit. **P**RIMO ab effectu contrarii: quia ostentatione sa-

piencie crucem Christi evacuasset, v. 17.

Objectio: Simplicitate doctrinam crucis reddi contemtibilem. **R**esp. distinctione: reprobis pereuntibus, non autem electis servandis, ver. 18. **S**ECUNDO. A conditione sapientie mundanæ: quia Deus hanc aversetur & faceffere jubeat à fidei mysteriis, teste scriptura Jes. 29. 14. & 33. 18. ver. 18. 19. 20. **T**ERTIO. A beneplacito Dei volentis credentes servare per simplicem prædicationem evangelii, quam quidem Judæi & Græci stultitiam reputent: sed falso: cum sit Dei potentia & sapientia quavis humana sapientia & potentia sapientior atque validior, ver. 21. 22. 23. 24. **Q**UARTO. Ab hujus beneplaciti effectu in ipsis: seu à vocatione ipsorum, quæ non sapientibus & potentibus sed humilibus & infirmis contigerit à Deo: ver. 26. 27. 28. **Q**UINTO. A fine ultimo: ne quis coram Deo gloriatur in se ipso: sed in solo Christo Domino, qui nobis factus est omnia, ver. 29. 30. 31.

C